



JAMHURI YA MUUNGANO WA TANZANIA
OFISI YA RAIS
TAWALA ZA MIKOA NA SERIKALI ZA MITAA
HALMASHAURI YA MJI TUNDUMA



05.08.2022

Mhe.Mwenyekiti wa Halmashauri ya Mji Tunduma
Mhe.Makamu Mwenyekiti wa Halmashauri ya Mji
Waheshimiwa Wabunge
Kamati ya Usalama Wilaya ya Momba
Watumishi wa Halmashauri ya Mji
Wageni waalikwa
Waandishi wa Habari
Wananchi wote mliohudhuria

**KUH: TAARIFA YA UTEKELEZAJI WA SHUGHULI ZA HALMASHAURI KATIKA KIPINDI CHA
KUANZIA JULAI 2021 HADI JUNI 2022 KWA AJILI YA MKUTANO WA BARAZA LA MADIWANI
TAREHE 05.08.2022**

1.0 Utangulizi.

Ninawasalimu kwa Jina la Jamhuri ya Muungano wa Tanzania!!!

Ninawakaribisha wote mliohudhuria katika mkutano huu wa kawaida wa Baraza la Madiwani la Halmashauri ya Mji Tunduma ambalo pamoja na mambo mengine utakapokea taarifa ya utekelezaji kwa mwaka unaoishia tarehe **30 Juni 2022**.

Aidha kipekee ninamshukuru Mwenyezi Mungu mwingi wa rehema kwa kutuwezesha kukutana siku ya leo tukiwa na bukheri wa afya njema.

Mhe.Mwenyekiti

Halmashauri ya Mji Tunduma imeendelea kutekeleza shughuli mbalimbali kuzingatia miongozo na bajeti iliyoidhinishwa kwa mwaka **2021/2022** ikijikita kwenye vipaumbele vitatu (3) ambavyo ni Ukusanyaji wa mapato, Usafi wa Mazingira na Utawala.

Aidha katika kutekeleza misingi tuliyojiwekea kwa kuzingatia vipaumbele pamoja na uwepo wa changamoto tumeweza kufanikiwa kwa kiwango kikubwa hivyo kutimiza baadhi ya matarajio ya wananchi wa Mji wa Tunduma katika utoaji wa huduma bora za kijamii katika Sekta ya Elimu,Afya na Afya na huduma za kiuchumi kama vile Barabara,Masoko,Biashara na Viwanda,Kilimo,Ufugaji na huduma za Mipangomiji na Usafi wa Mazingira kama. Aidha mafanikio kwa kila sekta yameainishwa kama ifuatavyo;-

MAPATO:

Mhe.Mwenyekiti,

Kwa mwaka wa fedha **2021/2022** Halmashauri ya Mji wa Tunduma imeidhinishiwa makisio ya kukusanya mapato ya ndani na kupokea fedha za Ruzuku kutoka Serikali Kuu na Wahisani mbalimbali wa Maendeleo Jumla ya **TZS. 31,644,378,303.00** kutoka katika vyanzo mbalimbali.

Aidha, baada ya kufanya vizuri katika makusanyo ya mapato ya ndani kwa kipindi cha robo ya pili ya Mwaka wa fedha **2021/2022** Kamati ya Fedha na Utawala iliidhinisha mapendekezo ya Menejimenti ya kuongeza bajeti ya mapato ya ndani kwa kiasi cha **TZS.2,000,000.00** Hivyo kufanya bajeti ya makusanyo ya mapato ndani kuongezeka kutoka bajeti ya awali ya **TZS. 5,635,690,500** hadi kufikia **TZS. 7,635,690,500.00** na kufanya bajeti kuu ya makusanyo ya mapato ya ndani na mapokezi ya fedha kutoka Serikali Kuu kuongezeka kutoka **TZS. 31,644,378,303.00** hadi **TZS.33,644,378,303.00**

Mhe:Mwenyekiti,

Kwa kipindi cha mwezi Juni,2022 Halmashauri imefanikiwa kukusanya mapato ya ndani na kupokea fedha za Ruzuku kutoka Serikali Kuu na Wahisani kiasi cha **TZS.2,111,588,309** na kufanya Jumla ya mapato tuliyokusanya na kupokea kuanzia Mwezi Julai,2021 hadi Juni,2022 kufikia **TZS 31,840,979,394** ambayo ni sawa na **asilimia 94.5** ya makisio ya mapato kwa mwaka wa fedha **2021/2022.**

Mhe:Mwenyekiti,

Katika kipindi cha Mwezi Juni,2022 Halmashauri ilipokea fedha za Ruzuku kutoka Serikali Kuu na Wahisani wa Maendeleo kiasi cha **TZS. 1,100,112,034.28** Kwa ajili ya Ulipaji wa Mishahara ya watumishi wa Ruzuku,Elimu Bila Malipo na Miradi Maendeleo kama inavyoonekana kwenye Jedwali hapo chini:-

MATUMIZI:

Mhe:Mwenyekiti,

Kwa kipindi cha mwaka wa fedha 2021/2022 Halmashauri ilikasimiwa kutumia kiasi cha **TZS.31,644,378,303** kutoka katika vyanzo mbalimbali, Aidha kwa Mwaka wa fedha **2020/2021** Halmashauri ilibakiwa na bakaa kiasi cha **TZS.112,042,729.95**. Fedha hizilizosalia zimeunganishwa kwenye makisio ya matumizi ya mwaka huu wa fedha ili ziweze kutumika hivyo kufanya makisio ya matumizi kuongezeka kutoka **TZS.31,644,378,303.00**. Hadi kufikia kiasi cha **TZS.31,756,421,032.95**. Aidha, Baada ya kufanya vizuri kwenye makusanyo ya mapato ya ndani Kamati ya Fedha na Utawala iliridhia mapendekezo ya Menejimenti ya kuongeza bajeti ya Matumizi ya Mapato ya ndani kwa kiasi cha **TZS. 2,000,000,000** Hivyo kufanya bajeti kuu ya matumizi kuongezeka kutoka **TZS. 31,756,421,032.95** hadi kufikia **TZS. 33,756,421,032.95**

Mhe:Mwenyekiti,

Kwa kipindi cha mwezi Juni, 2022 Halmashauri imetumia kiasi cha **TZS. 5,345,171,319** na kufanya Jumla ya matumizi kuanzia **01.07.2021** hadi **31.06.2022** kufikia **TZS. 28,731,791,491** ikiwa ni sawa na **asilimia 85** ya makisio ya matumizi kwa mwaka wa fedha 2021/2022 Kama Jedwali lifuatalo linavyoonekana:-

▪ TAARIFA YA UTEKELEZAJI NA UFUATILIAJI WA MIRADI YA MAENDELEO KUISHIA TAREHE 30 JUNI 2022

Katika mwaka wa fedha **2021/2022**, Halmashauri ya Mji wa Tunduma ilipanga kupokea na kutumia jumla ya Shs.**17,115,107,300.00** kwa ajili ya utekelezaji wa miradi ya maendeleo kutoka vyanzo mbalimbali kama Serikali Kuu, Wahisani na Mapato ya ndani. Hadi kufikia mwezi Juni **2022**. Halmashauri imepokea jumla ya Shs.**19,583,343,600.04** sawa na asilimia **88** kutoka vyanzo mbalimbali. Halmashauri kwa bajeti yake ya Mapato ya ndani imetenga kiasi cha Tshs **4,333,254,300.00** kwa ajilia ya utekelezaji wa miradi ya maendeleo. Kiasi cha Tshs. **4,398, 188, 982.00** sawa na asilimia **101.4** ya mapato ya ndani kimepelekwa kwa ajili ya utekelezaji wa miradi.

Mhe.Mwenyekiti

Halmashauri kupitia Divisheni na Vitengo katika kipindi cha kuanzia Julai **2021** hadi Juni **2022** imetekeleza majukumu mbalimbali kulingana na bajeti iliyowekwa ambapo mafanikio na changamoto zilizojitokeza zimebainishwa kupitia taarifa ya kina ambayo imeambatishwa.

Aidha kwa uchache Halmashauri imefanikiwa katika ukusanyaji wa mapato ya ndani ambapo kwa mujibu wa Ripoti ya ukusanyaji wa mapato kwa robo ya nne kuishia tarehe **30 Juni 2022** Tunduma ni miongoni mwa Halmashauri zinazofanya vizuri Kitaifa ikishika nafasi ya tano.

Mafanikio mengine ni pamoja kupata tuzo ya Usafi wa Mazingira na kushika nafasi za juu katika matokeo ya Mitahani katika ngazi zote kuanzia Shule za Msingi hadi Sekondari Kidato cha Sita

Taarifa ya kina kwa kila Divisheni na Kitengo imeambatishwa Uk.27-51

▪ Utekelezaji wa zoezi la chanjo ya UVIKO-19

Mhe.Mwenyekiti

Halmashauri imeendelea kusimamia zoezi la chanjo dhidi ya UVIKO-19 ambapo hadi kufikia Juni **2022** jumla ya wakazi **14,314** wapatiwa angalau chanjo dozi ya kwanza. Aidha Wakazi **10,293** (Me **6763** na Ke **3510**) wamekamilisha dozi ya chanjo saw ana **11.2%**

Natoa rai kwa wananchi kujitokeza ili kupatiwa chanjo dhidi ya UVIKO-19 kwani bado ugonjwa huu ni hatari kwa ustawi wa jamii yetu. Hali kadhalika kuwapeleka Watoto kwenye chanjo ili kujikinga maradhi kama vile Polio.

▪ Taarifa ya utekelezaji zoezi la Anwani za Makazi na Postkodi

Mhe.Mwenyekiti

▪ Idadi ya Anwani zilizopaswa kutambuliwa na kusajiliwa 2021/2022

Katika utekelezaji wa zoezi la anwani za makazi, Halmashauri ya Mji Tunduma ilitakiwa kusajili nyumba **29,983** ambapo hadi tarehe **25/05/2022** saa **3:00** asubuhi idadi ya Anwani zilizokuwa zimesajiliwa kwenye mfumo ni **30,008** sawa na asilimia **100.09%**

Pendekezo la uchangiaji wa kiasi cha Tshs 2000 kwa ajili ya utengenezaji wa vibao vya namba za nyumba.

Mhe.Mwenyekiti

Halmashauri ya Mji kwa kushirikiana na viongozi wa Mitaa na Kata inaratibu zoezi la uwekaji wa vibao vya namba za nyumba ambapo mapendekezo ya kiwango cha Shs.**2000** yaliwasilishwa na kuridhiwa na Kamati ya Fedha na Utawala ambapo hatua iliyopo ni kutoa elimu kwa wadau mbalimbali kwa kusimamia zoezi hili.

Aidha katika bajeti ya **2022/2023** Halmashauri imetenga fedha kiasi cha Shs.**20,000,000.00** kupitia mapato ya ndani kwa ajili ya utekelezaji wa zoezi la Anwani za Makazi kwa mwaka.

▪ **MBIO ZA MWENGE WA UHURU 2022**

Mhe.Mwenyekiti

Mbio za Mwenge wa Uhuru **2022** zilizinduliwa Kitaifa Mkoani Njombe mnamo tarehe **01.04.2022** na utazimwa Mkoani Kagera mnamo tarehe **14.10.2022**. katika maadhimisho ya kilele cha Wiki ya Vijana. Katika Mkoa wa Songwe Mwenge utapokelewa tarehe **14.09.2022** katika Halmashauri ya Wilaya ya Songwe na kukimbizwa mfululizo katika Halmashauri zote tano.

Aidha katika Halmashauri ya Mji Tunduma Mwenge wa Uhuru utapokelewa katika Mtaa wa Nandanga Kata ya Mpemba mnamo tarehe **17.09.2022** ukitokea Wilaya ya Ileje na kukadhiwa Halmashauri ya Wilaya ya Momba tarehe **18.09.2022**

Mhe.Mwenyekiti

Mwenge wa Uhuru ukiwa katika Halmashauri ya Mji Tunduma utazindua, utaweka Mawe ya msingi na kukagua jumla ya miradi **06** na shughuli za vikundi vitatu (**03**). Miradi pendekezwa inakadiriwa na thamani ya Shs. **2,378,000,000.00** kutoka katika vyanzo mbalimbali.

Mhe Mwenyekiti

Natoa rai kwa Waheshimiwa Madiwani, wananchi na wadau mbalimbali kushiriki kikamilifu na kutoa ushirikiano katika kufanikisha Mapokezi na hata Mkesho wa Mwenge katika Viwanja vya Shule ya Msingi Tunduma iliyopo Kata ya Uwanjani.

HITIMISHO

Mhe.Mwenyekiti

Ninatoa shukrani za dhiti kwa Baraza lako Tukufu, Timu ya Menejimenti na wananchi kwa ujumla kwa ushiriki wao chanya katika mafanikio yalipatikana katika mwaka **2021/2022**.

Kipekee ninatoa shukrani za dhiti kwa Mhe.Samia Suluhu Hassan Rais wa Jamhuri ya Muungano wa Tanzania, Mhe.David Ernest Silinde (Mb) Naibu Waziri Ofisi ya Rais Tawala na Serikali za Mitaa, Waheshimiwa Wabunge Viti Maalum Mkoa wa Songwe, Ofisi ya Mkuu wa Mkoa wa Songwe, Mkuu wa Wilaya ya Momba na Viongozi mbalimbali katika utekelezaji wa Ilani ya Chama cha Mapinduzi inayosisitiza katika utoaji wa huduma bora kwa wananchi.

Shime tujitokeze katika zoezi la Sensa ya Watu na Makazi itakayofanyika tarehe **23 Agosti 2022**

Naomba kuwasilisha,

Philemon M.Magesa

MKURUGENZI

HALMASHAURI YA MJI TUNDUMA

